

畿輔通志卷六十

畧十五 輿地十五 山川四 承德

承德府

紅廟山在府治東里許下為莊邸園寓府志

半壁山在府治東稍南八里以形如半壁故名同高百餘仞

武列水逕其麓臨流嶒峻都統英和魁星樓記其巔平衍道光八年知

府海忠建魁星樓於上海忠魁星樓碑記國朝海忠詩羣

獨惜五丁力鑄鏊出鬼斧垠壑積鐵色霧重陰崖肥雲蟠石

根立懸溜渟空凹時作梅雨滴長松虬幹撐細路蛇行仄陡

上窮其巔天形若戴笠俯視萬井煙勝槩快登歷有樓翼然

起星斗高可摘遠疑帝所逼近或風雨逼文明被徼外福地

拱宸極偉哉摩崖書苔皴墨痕溼

會龍山在府治東南八里許上有海雲寺山麓為礮神廟府志

國朝陸元烺同人遊會龍山海雲寺詩疊巘出松頂懸崖

飛鳥投寺門黃葉晚僧磬白雲秋遠色歸樵擔斜陽上佛樓

君看塞門雁
嘹唳各呼儔

九華山在府治東南十二里上有福雲寺

同上 國朝陸元
烺詩壺中有九華

妙語聞東坡嵐壑縱盡態几席供摩娑策馬塞外遊入手峯
嵯峨一峭不可止勢欲穹蒼摩遠注劍鉞轟近睇屏障羅懸
溜滴梅雨盪爲雲一窩長煙白於鳥高髻青攢螺猿騰怯苔
棧鹿靜依松柯其下武列水三折成潛波始知靈祕鍾朔漠
匪從苛賈勇入香界一龕如蜂窠老僧肅迎客癯貌霜髯皤
語余皎月夜時有胎禽過我亦姑妄應茗話跌盤陀謝監具
山癖榔栗常橫拖惜哉未落此清景
紛煙蘿憑檻發長嘯不顧山神訶

天橋山在府治東南三十八里山勢穹長如飛梁跨空縹緲

天半與

山莊內四面雲山亭相對

大清
一統志

五指山在府治東南四十里五峯嶒嶸儼如仙掌土人呼爲

雞冠山

熱河
志

山有古靈峯禪寺

府
志

駱駝山在府治東南五指山之東

熱河
志

象鼻山在府治北稍東四十四里山勢墮長形如象鼻故名

大清一統志

黑山在府治西北四十五里山脈周圍數十里一峯拔起高

出羣山石色如鰲故名

熱河志

金山在府治西北五十里山勢峭聳與黑山相對

同境內附

近諸山皆金黑二山支派所分

府志

謹案一統志金山在承德州東北方位與府志所載不符

一統志恐誤

湯山在府治東北八十里山有湯泉

聖祖嘗駐蹕於此建龍尊王佛廟

御製有碑記

大清一統志

帽盔山在府治東南八十里以形似得名其北十里復有一

山土人稱為前帽盔石後帽盔石

熱河志

筆架山在府治東南九十里以三峯矗立故名又鐵虎山亦在東南九十里

青雲山在府治南稍東一百二十里白河之濱林木翳蔚泉

出其間上有雲峯寺

俱同上

敵樓山在府治東南一百六十里白馬川之南

大清一統志 巔峯

峻拔

元僧天宮禪院碑記

有古廟設觀音像故一名觀音山

府志

尖帽山在府治南一百八十里其南接遵化州界

大清一統志

大黑山在府治北一百八十餘里當張三營西北高二十餘

丈周百餘里伊遜河自北來流繞其足

熱河志

即古陰山分支

也

府志

謹案一統志大黑山在承德州東五十里方位里數與府

志不符

獅子嶺在府治西北九里嶺勢奇偉如狻猊狀故名嶺下爲獅子園嶺東爲獅子溝凡普陀宗乘諸巨刹皆建於此熱河志

嶺南卽風雲嶺府志

廣仁嶺在府治西十一里一統志作西南十里卽古墨斗嶺也府志過烏

灤河又過墨斗嶺亦名度雲嶺長二十里許宋王曾上契丹事北安

州有墨斗嶺在德勝嶺北百二十里曾公亮武經總要嶺西南卽灤

平縣境康熙五十七年

聖祖仁皇帝發帑開治徑路平坦

賜名廣仁嶺勒碑嶺上東麓建

萬壽亭凡山莊西境諸山皆與此嶺縣亘相接熱河志宋彭汝礪

毛非子規向人如道不如歸使輶不用君多勸未到歸心已似飛蘇頌過度雲嶺詩磴道青冥外攀躋劇箭飛朔風增

凜冽寒日減清暉使者手持節征人淚溼衣此時仁傑意心
同白雲歸國朝曾錫寶詩晨上廣仁嶺疑入丹青路最高
騁遊懷乃覺觀覽富修闌帶朝霞幽花泣夕露秋風天半來
颯颯響巖樹一徑入禪關馬首此暫駐鐘魚靜梵音佛火明
宿炷道人啜苦茗持銅美甘澍捫蘿極層巔仰視天宇素長
嘯干仞岡崢嶸怯轉顧厯險氣自愉循夷神反怖以此條塵
胸披豁消萬慮賞心惟所遭慨然平生趣吳錫麒詩磴道
暝逾滑行人到欲迷松聲吹水入雲氣壓山低粉墨添蕭瑟
輪蹄判阻躋思當未開鑿此險若何梯何道生詩昨過青
石梁今登廣仁嶺陂陀夾峭壁倏若墮筍井巨石積鐵色陰
崖襲虛冷萬車爭一隙如喉苦魚鰓欲上不得上顛危濟俄
頃陰盡忽開曠蓄極得馳騁疎林八九株微風弄清影前望
縱遐矚後顧抱虛警想當開鑿時萬夫力齊併磊塊塞大地
千椎破其整雷礮擺天垠電劃坼頑礦海忠詩飛鳥不可
越風迴萬壑奔兩崖撐鐵色一罅裂雲根陟險
憐徒御凌虛擁寺門少時容晏坐碑字洗苔痕

謹案府志遼北安州城在今豐甯縣東境之波羅河屯廣
仁嶺在灤河之北正當遼北安州境內當卽古墨斗嶺斗
與斗特傳寫不同耳又北番地理志稱北安州置墨斗
軍使捍奚界其墨斗亦作墨斗

鳳凰嶺在府治南二十五里灤河之南與青松梁相接

同上

興安大嶺在熱河北雄峙塞上

府志

拔地際天廣袤不知紀極

爲陰山之正脈

熱河志

嘉慶十五年

仁宗命禮臣酌議祀典以隆望秩

大清一統志

國朝張廷玉詩興安嶺與碧雲齊徑路盤旋信馬

蹄地勢漸高渾不覺直登峯頂萬峯低

查慎行扈從興安

嶺登絕頂遠眺詩四首崇岡斗起杳難攀翠翠華旌歲往還

六合一家甯恃險九邊三面總無關龍沙展勢提封外鳥道

盤空霄漢間

詔許重登峯頂望始知高出萬層山忽開

眼界萬層巔指掌圖成立馬前東走

陪京山委浪北踰瀚

海地黏天牛羊白散干屯雪草不青回萬竈烟四十九藩齊

望

幸呼嵩聲徹半空傳

甲帳辰旗紫邏長極天晴色

辨微茫黃榆不斷庭方路白日能消冰雪光獵騎嘶風爭北

向野鷹隨雁亦南翔西山蒼靄遙相接直似登臨在

帝

鄉興圖遠闢古興安鳳舞龍迴氣鬱蟠半嶺出雲鋪大漠

喬松落葉倚高寒丹青不數東南秀俯仰方知覆載寬萬里

乾坤千里目欣從奇險得奇觀

汪由敦恭和登興安大嶺

歌詩昔聞興安大嶺上可摩蒼天粵自鴻濛作判五嶽五鎮

奠方域洩雲致雨造化分命司其權秩視三公旅四望祠官

典禮自古然茲山傑峙大漠外山經失志莫識其從前

聖祖神武燦四表幅員所際遠軼太古先龍沙清蹕偶

經此武陵果有桃花源神叢奧區塵跡不可到飛黃在御振
鬣登崇巔彷彿金支翠旂互摩戛底事滄瀛縹渺求神仙我

皇丕膺鴻緒繼

大獵橫紫塞緬溯

祖武紹庭上下夙夜加勤虔四經
遺蹟親舉白玉鞭旋御虎帳麗

奎藻謂身所歷非僅竹素之傳言興安大嶺上可摩蒼天
前年曾謁五臺之淨域去年曾登五嶽之名山應真膜拜嶽
祇導纖雲不起淨卷兜羅縣茲來旭杲騰躍扶桑外變黼黻
漫倏若千步帷幙互接連宛如玉女星輶遠障蔽不比浮邱
揚袂洪厓許拍肩奎戈鐵馬出飛棧鯨波驚濤盪驚川霓裳
羽衣嫋翩翻玉嶽流水麗幽蘭蒼茫不測厚坤意神奇變幻
詎可常理詮無乃效靈酬貺答盼蠻上天筆勒此燁煌
卓犖之大篇不然何爲詰早遽明霽陽開陰闔殊判焉

宸章一讀一咋舌屈宋李杜賴首臣僕間雲隨飛龍絳霄

上舒一氣交盤旋惟見白榆歷歷舉首摘素觀玉杵守廣寒
又見白鹿敦圉驂金官踐烏疇疇迴晴曉俯視齊煙九點復
有九經營賜谷濛汜耕芝田洞庭窈窕張廣樂相靈瑤瑟甘
五絃塗山圭壁集萬國葱珩鞞垂紛繙神心晃朗大圓鏡
垓塹蟠際羅其全談天雕龍陋衍夷崑崙靈宮何侈旃興安
大嶺上可摩蒼天仰賴雲漢章萬古長流傳劉綸詩翼
哉乎興安幾不知天山之上復有天域中名勝區三百六古
來登封代七十二對此難與付度而銖權蕃王別部厥號翁
牛特惟見蟠蒼插翠拱者類者歧考翼者各各獻狀兒孫然
水如伊邇匹練未足纓其側峯如大青丸螺詎能覘其前孰
亭毒是孕毓是乾維坤軸開必先伏聞仁皇撫彊索

四至入到窮流源荒服之臣再拜請納地文面直跨陰崖巔
至今懸樁設叢儼如畫神皋燧朗宜有祖氣窟宅藏靈仙靈
仙之綽亦遼邈烏在視公視侯秩孔虔士人告語嶺頭草樹
有手不敢指薦以鄂博羅供帆旌奇服或弭鞭或云上通帝
座之一炁或云下俛齊州之九點雖歸土猶緇於喻言噫吁
噉幾不知天山之上復有天忽爽跨蠻理莫營謂天非天山
非山雨不待呼龍繞燕廣漠甘溜霑芊絲電不待投壺天笑
玉虛散影紛翻連大塊者何飄伯不得堙其竅布鼓者何阿
香不得弛其肩有時晻時發遠曜有時沸潏迴長川乃知取
精用物闢奧突奚超姬之甫草炎上蘭朔野龍從實巨鎮元
王作貢遺釋詮 聖時懷柔本無外登封不刻摩崖篇誰
四三謨三二典云亭介邱茲惡焉從官吃吃語皆噤有生但
識岱東華西衡南恆北嵩中間醺雞舞甕龜坐井又若磨牛
蹋跡空盤旋帝曰往哉疇作繪丹青滿幃收高寒期門授餐
翊前導手排宿霧延清暄大宮小霍族生低肯留半掌為平
田邊隅北觀茲第一上之當寧綈絳馳道來如弦彷彿諸真
欲報貺霓旌羽葆纚纚而繙繙即看繩行度縣表雄峙職方
之誌匪獨寰中全器車銀甕將瑞 聖人有
德曰全旃噫吁噉幾不知天山之上復有天際
詩竭縮竊愧南山北征蜀道萬口夏夏爭流傳

羅漢峯在府治東南九里岡巒曼衍望之似人趺坐坦腹熱

志一名彌勒峯 大清

統志

磬鍾峯在府治東北

六里

府志一統志作承德州西

一峯直上高數

百丈形如砧杆

大清一統志

俗稱棒槌峯

聖祖賜今名為三十六景之一峯側有石幢鐫宸淵帟

②四字熱河志

案尿為古戶字見許慎說文②為武壘所造日字見郭忠恕佩觿淵帟二字無考黃鉞詩千山合沓白雲封雲裏芙蓉

露幾重不向獅園西面望那知石挺是孤峯吳錫麒熱河維詠詩山川匯合足煙波武列淵源注不訛留與經幢照奇

字磬鍾峯上夕陽多同宋芝山步磬鍾峯下詩松風生峭寒拾徑休樵步不聞清磬聲雪滴斜陽樹英和登磬鍾峯

絕頂詩看山如讀書一一恣搜討大意豈易得所期要深造晨興策款段細路踏行潦雲根琢層層澗水聞浩浩野花不

知名紅紫映秋草炊煙出林罅茅屋眾山抱前行徑漸高馬蹄駭欲倒緩步攀葛蘿仰視逼晴昊惜無青雲梯摩空羨飛

鳥平時所擬議識見一何小相對頻咨嗟巉峭天工巧晚尋歸路歸明月已皎皎宗室裕恩偕同人遊磬鍾峯詩華嶽

猶拳石茲峯一指微千山推巨擘百谷仰雄飛霄漢森如倚雲霞勢可揮登臨秋色遠縱目俯清暉

謹案水經注武列水東南厯石挺下挺在層巒之上孤石

雲舉臨崖危峻可高百餘仞案熱河志古稱武列水即今

之熱河磬鍾峯近在河東撐空聳秀卽石挺也

僧冠峯在府治南二十六里舊名僧官帽山

高宗賜今名峯形如毘盧覆頂土人以靈氣聚散占晴雨輒驗

紅石巒在府治東南十六里羅漢峯東緜亘十餘里

滴水崖一名珍珠崖在府治東南一百三十里灤河經流其下山勢盤旋數十里臨河石壁削立山腰有洞流泉琤琤若珠璣迸落故名

朝陽洞在府治東稍南三十七里石竇嵌空橫貫山腹深二十餘丈廣二丈餘其東高盈丈西半之曉日初生光射罅漏隔山可見

青松梁在府治南五十里又盤道梁在府治北唐三營之東北

橫道梁在府治東北茅溝汎境內茅溝河經其西俱同上

謹案府志烏龍山在府治東南二百五十里考府治疆域

東南一百六十里至永平府遷安縣界此山當非境內所

屬故不載

灤平縣

鳳凰山在縣西二里許府志

饅首山在縣南三里許

石門山在縣東南四里兩峯對峙中有石徑甚窄俱同上

雙塔山在縣北八里大小二峯矗立百餘丈如窳堵波高下

相亞一峯中間三孔表裏通明熱河志其頂平寬可竟畝東巔

有古廟府志國朝蔣廷錫雙塔峯歌遠山月落天鷄唱長風吹雪度層嶂露花作雨十里香扶桑鞭促金烏上

斷雲忽露雨峯尖半隱半明失顧瞻太陽高照陰靄散塔影雙插驚排鐵紅雲一握遞迎送糝金石色光浮動誰將玉斧

中劈開比肩而立相伯仲左峯彷彿生紫煙鏤開三穴皆天然山根疑與鑿圭竇土穴大小珠窩圓日光直射圓鏡赤玲瓏透漏仇池天右峯稍低如拱揖浮圖相對神功全須與馬首齊向東兩峯體合如一峯石屏方正卓然起峯巔綠樹陰濛濛行行二里山腳走右峯轉左左轉右嵌空突兀亦非常面皆驚峯勢陡憶從先臣宦粵省梅花村上羅浮頂百二十里老人峯沒膝黃雲盤石磴復記前年登華山蓮花朵朵雲霓間仙人掌冷挹紫潒玉女盆虛圍翠鬟今朝所見真大觀半空落下青琅玕山迴溪轉雙塔隱行人馬上回頭看生平足跡探奇秘飽眼山川皆

帝錫愧無米芾畫石筆

寫出雙峯掛帆勢查慎行雙塔峯歌灤河之水鳴淙淙晨光欲透草木蔚千巖浮動萬壑充十里霧溼三光髮陽鳥展翅煙攄虹劍射石壁紛青紅中有兩峯迴不同向人騰躍比祝融厥初生時誰所鑿分而爲二疑靈窿自從巨斧開鴻濛勢欲復合難彌縫小者爲霍大者宮前高後亞兒隨翁其顛石筍各卓空如率堵波剗圓穹其旁老松垂薤蔥雨露已費千年功初從南麓瞻崇隆恍然御氣乘罡風青天一碧懸雙蓬仙舟出沒波濤洪形隨徑轉日在東并作高柱孤巖巔首末稍斂中微豐異哉三竅何玲瓏下空一門拆崆峒中央一線星光通最上一穴磨青銅團團皎月非朦朧洞貫腹背豈昇弓誰與人力爭天工須臾位置移葱蔥左右互異驚愚矇漸行漸遠漸不窮回頭依舊藏霾霧我思佛力大且雄舍利所在塔廟崇十方照耀開盲聾僧伽興廢會有終豈如此山嬌華嵩巍峩俯闕荆榛叢縣亘古塞接螭螭剗火不壞况兵

戎地雖僻左秀獨鍾昔名未彰今始蒙吾皇盛德邁
帝鴻盡攝六合歸牢籠年年雅詩賦車攻山莊近在封域中

已獲顧盼邀重瞳何須秩祀偕三公小臣作歌達
聖聰特與此日慶遭逢英和雙塔山詩排闥遙峯迥貪看

馬漫催儼然雙塔立疑是五丁開縹緲瞻仙
屋經營仿釣臺搏風如有翼一舉白雲隈

元寶山在縣東北二十里下有風穴同上

二龍山在縣西四十五里熱河志

雲臺山在縣西六十里自麓至頂約可八里上有福壽寺同上

髻髻山在縣西六十里下圓上銳灤河興州河合流環繞其

下北望靈臺案靈臺即雲臺字訛石形如扇南爲井兒溝有二石柱高

數十仞與山相對山蜿蜒百里雄峙塞垣西達豐寧南屆古

北北至上蘭東距縣境四塞通衢此山特扼其要府志

兩狼山在縣西九十里同上

奇山在縣西南常山峪北峯勢中剖狀如掌大清一統志

平頂山在縣北百餘里壁立萬仞盤道而上其平衍處民皆
縛茅而居桑麻雞犬如在雲中

熱河志

謹案府志云此山與豐甯縣之平頂山別

丁原山五渡水北出安樂縣丁原山

水經注

謹案熱河志北魏安州無安樂縣疑卽永樂之譌山當在
今灤平縣東南境

赤山漁陽赤山烏桓數寇上谷

後漢書
烏桓傳

謹案唐張九齡有賀赤山北無賊狀熱河志謂漁陽與灤
平豐甯境相直是赤山當在二縣境內而諸處俱無此山
名建昌縣有赤山及大赤山但其方位不合不可傳會今
附識於此

葦峪嶺在縣西十里距喀喇河屯

行宮西南十五里又巴克什營北亦有葦峪土人稱爲西葦峪

熱河志

鞍子嶺在縣西南六十二里又大水峪口外白河之旁亦有

鞍子嶺爲縣最西南境

同上 國朝查慎行扈從鞍子嶺詩

愛迎嵐翠晨趨直貪傍燈明夜詠詩泉脈曲通行帳外雨聲

渾似滴蓬時水晶宮殿清涼國傳語人間總未知又隨

駕發鞍子嶺行至三道梁天始明詩金壺虬箭曉登登霽月

流天景漸澄谷菴一重環翠幙雲移雙仗識紅燈風輪暗激

飛梁轉松頂遲看旭日升滿篋纖絺長什襲此來何處有煩

蒸劉巖詩天畔插山稜盤盤幾百層石危循磴歇峯峭撥

雲登朔吹旋崖瀑寒聲裂竇

冰未曾鐫姓字孤負碧峻嶒

偏嶺在縣西一百里當鞍匠屯之南爲前偏嶺偏嶺卽偏槍

嶺也

大清志

過偏槍嶺四十里至卧如來館

遼史地理志引無卧字

過烏灤河

王曾行程錄

偏嶺或卽偏槍嶺又聞前路有灤河儀粟

河及喇嘛洞洞中亦有石刻佛或卽卧如來館

高士奇塞北小鈔

謹案方輿紀要開平衛北四十五里有偏嶺或曰卽天嶺
胡嶠陷北記自歸化州行三日登天嶺東西連亘明史宣
德三年車駕敗兀良哈於寬河旣而自會州引還明日次
偏嶺又明日入喜峯口府志謂在開平衛北則當近今之
獨石口與會州接壤則當近今之平泉州異地同名皆非
此縣西之偏嶺

十八盤嶺在縣西南一百一十里其南四里爲小十八盤嶺
磴道盤迴卽德勝嶺也熱河志出古北口又度德勝嶺盤道數

層俗名思鄉嶺王會行程錄思鄉嶺當卽望雲嶺府志自古北口五

十里至嶺上南北使者皆於此置酒乃行彭汝礪鄱陽集詩

詩塞行日壓山騁望少平陸北上更宕崑繚曲往而復前旌趨澗底後隊出灌木蒙茸草樹繁鳥往殊逼蹙火雲照衣裳三庚近初伏馳驅萬馬蹄蔚奇氣局縮執熱思層冰蘊蒸徒深谷向午聞鳴蜩淩風振輕轂